

Na osnovu člana 21. stav 3. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine FBiH“, broj: 15/05) i Odluke o odobravanju realizacije Programa pomoći održivog povratka „Program pomoći zapošljavanju/samozapošljavanju povratnika u poljoprivredi u periodu 2022 i 2023.godine“ broj:03-36-2-230/21 od 04.10.2021.godine, a u cilju planiranja, kvalitetne izrade i transparentne provedbe planova pomoći održivog povratka, u 2022. i 2023.godini Federalno ministarstvo raseljenih osoba i izbjeglica objavljuje

JAVNI POZIV
za podnošenje prijave za program pomoći održivog povratka „Podrška
zapošljavanju/samozapošljavanju povratnika u poljoprivredi u periodu 2022- 2023.godina“
za područje entiteta Republika srpska

1. Predmet javnog poziva

Izbor korisnika za dodjelu poljoprivrednih mašina, opreme, građevinskog materijala i novčanih sredstava u cilju podrške zapošljavanju/samozapošljavanju povratika u poljoprivredi na prostoru entiteta Republika srpska, za sljedeće namjene/programme:

- 1) **Dodjela poljoprivrednih mašina, mehanizacije i priključaka;**
- 2) **Dodjela platenika;**
- 3) **Sufinansiranje nabavke opreme opreme za proizvodnju u poljoprivredi (oprema za pčelarstvo, mljekarstvo, tov pilića/brojlera, tov koka nosilja, sistem za navodnjavanje, oprema za sušenje voća i sl.);**
- 4) **Dodjela građevinskog materijala u svrhu obnove i izgradnje gospodarskih objekata u poljoprivrednoj djelatnosti;**
- 5) **Sufinansiranje nabavke sitne i krupne stoke i pčelnjih društava, u iznosu do 5.000,00 KM.**

Povratnici mogu aplicirati samo za jedan od navedenih programa. U koliko budu aplicirali za više od jednog programa prijava neće biti uzeta u dalje razmatranje.

Osnov za podršku činit će podaci iz Prijavnog obrazca popunjenog i potpisanog od strane aplikanta na javni poziv, u kojem su detaljnije navedene moguće vrste i namjene podrške.

2. Pravo učešća

Pravo da učestvuju u javnom pozivu radi dodjele sredstava/donacije imaju:

- **Manjinski povratnici na prostoru entiteta Republika srpska;**

Napomena:

“Manjinski povratnici” je tehnički termin koji se odnosi na osobe koje pripadaju konstitutivnom narodu, a koje su se vratile u predratnu općinu prebivališta u kojoj danas neki drugi konstitutivni narod čini brojnu većinu, odnosno osobe koje se vraćaju na području pod efektivnom kontrolom druge etničke grupe (pa makar, dakle, povratničke grupe lokalno činile većinu stanovništva).

Ukoliko podnosilac prijave na javni poziv ne ispunji navedene uslove, prijava neće biti uzeta u dalje razmatranje.

3. Način dodjele sredstava/donacije odabranim korisnicima programa/namjene:

a) **Dodjela poljoprivrednih mašina, mehanizacije i priključaka;**

Izabranim korisnicima po ovom programu Ministarstvo vrši nabavku (u skladu sa ZJN) i putem izabranog dobavljača dodjelu poljoprivrednih mašina, mehanizacije i priključaka, uz sufinansiranje korisnika u procentu od 30-50% od ukupne vrijednosti. *Korisnik sufinansiranje avansno (unaprijed) uplaćuje na račun izabranog dobavljača koji vrši distribuciju.* Vrste mašina, mehanizacije i priključaka su navedene u Prijavi na javni poziv, a jednom korisniku maksimalno može se odobriti jedna mašina/mehaniacija i tri priključka.

b) Dodjela plastenika;

Izabranim korisnicima po ovom programu Ministarstvo vrši nabavku (u skladu sa ZJN) i putem izabranog dobavljača dodjelu plastenika, uz sufinansiranje korisnika u procentu od 30-50% od ukupne vrijednosti plastenika. *Korisnik sufinansiranje avansno (unaprijed) uplaćuje na račun izabranog dobavljača koji vrši distribuciju.* Vrste plastenika su navedene u Prijavi na javni poziv, a jednom korisniku maksimalno može se odobriti do tri plastenika.

c) Sufinansiranje nabavke opreme za proizvodnju u poljoprivredi (oprema za pčelarstvo, mljekarstvo, tov pilića/brojlera, tov koka nosilja, sistem za navodnjavanje, oprema za sušenje voća i sl.);

Izabranim korisnicima po ovom programu Ministarstvo dodjeljuje finansijska sredstva u svrhu kupovine opreme za proizvodnju u poljoprivredi, uz sufinansiranje korisnika u procentu od 30-50% od ukupne vrijednosti potrebne opreme. Korisnici će morati obezbjediti predračune za potrebnu opremu, na osnovu kojih će se utvrditi ukupna vrijednost opreme. Ministarstvo će u skladu sa svojim budžetom i raspoloživim sredstvima za ove namjene odobriti dio ili cijelu opremu izabranom korisniku. Korisnici koji budu odabrani za podršku morat će obezbjediti bezuslovnu bankarsku garanciju na prvi poziv kao uslov za dobijanje sredstava, čime će korisnik garantovati da će sredstva utrošiti namjenski u skladu sa ugovorom.

d) Dodjela građevinskog materijala u svrhu obnove i izgradnje gospodarskih objekata u poljoprivrednoj djelatnosti;

Izabranim korisnicima po ovom programu Ministarstvo vrši nabavku (u skladu sa ZJN) i putem izabranog dobavljača isporuku građevinskog materijala u svrhu obnove i izgradnje gospodarskih objekata u poljoprivrednoj djelatnosti, uz sufinansiranje korisnika u procentu od 30-50% od ukupne vrijednosti potrebnog građevinskog materijala. *Korisnik sufinansiranje avansno (unaprijed) uplaćuje na račun izabranog dobavljača koji vrši distribuciju.* Ministarstvo će u skladu sa svojim budžetom i raspoloživim sredstvima za ove namjene odobriti dio ili cijelu isporuku potrebnog građevinskog materijala. Potrebe utvrđuje stručno lice Ministarstva na licu mjesta u saglasnosti sa korisnikom.

e) Dodjela finansijskih sredstava u svrhu nabavke sitne i krupne stoke i pčelinjih društava, u iznosu do 5.000,00 KM.

Izabranim korisnicima po ovom programu Ministarstvo dodjeljuje finansijska sredstva u svrhu nabavke sitne i krupne stoke i pčelinjih društava. Korisnici koji budu odabrani prilikom potpisivanja ugovora dužni su dostaviti Ministarstvu predračun o namjeri kupovine predmetne donacije. U slučaju da nisu u mogućnosti obezbjediti predračun priložiti će kupoprodajni ugovor o kupovini predmetne donacije za koju je korisnik aplicirao. Ugovor mora biti obostrano potpisan i ovjeren kod notara ili druge nadležne službe. Ministarstvo će u skladu sa svojim budžetom i raspoloživim sredstvima za ove namjene odobriti dio ili cijeli novčani iznos za predmetnu donaciju.

3.1. Način odabira korisnika koji će biti podržani

Odabir korisnika koji će biti podržani kroz programe se vrši na osnovu Odluke o utvrđivanju konačne rang liste potencijalnih korisnika za programe pomoći održivog povratka „Podrška zapošljavanju/samozapošljavanju povratnika u poljoprivredi u periodu 2022. i 2023.godine”, po redosljedu od ranga jedan pa niže sve do utoška raspoloživih sredstava predviđenih za ove namjene, posebno za svaku od listi u okviru odluke. Prednost prilikom odabira korisnika će imati aplikanti koji do sada nisu bili korisnici sredstava održivog povratka ovog Ministarstva.

Na odabir korisnika će odlučivati i službena zabilješka službenika Ministarstva koji će po potrebi na licu mjesta na terenu na adresi korisnika vršiti kontrolu činjenica navedenih u dokumentaciji dostavljenoj uz prijavu na javni poziv i kontrolu uslova za dobijanje donacije (pristupačnost objektu, adekvatno zemljište, posjedovanje ili raspolaganje repromaterijalom i opremom ili stočnim fondom, odnosno objektom i sl.)

3.2. Učešće u sufinansiranju programa/namjene:

Aplikanti koji budu izabrani kao korisnici sredstava/donacije su obavezni sufinansirati vlastitim novčanim sredstvima predmet donacije (projekat za koji su apalicerali), prema sljedećem obrazcu:

a) Za program/namjenu pod rednim brojem 1), 2), 3) i 4):

- Ako je ukupna vrijednost projekta do 30.000,00 KM, lično sufinansiranje je u iznosu od 30%;
- Ako je ukupna vrijednost projekta od 30.001,00 KM do 50.000,00 KM, lično sufinansiranje je u iznosu od 40%;
- Ako je ukupna vrijednost projekta preko 50.000,00 lično sufinansiranje je u iznosu od 50%;

b) Za program/namjenu pod rednim brojem 5):

- Lično sufinansiranje je u iznosu od 0%;

✓ **Lično učešće u sufinansiranju projekta** se računa kao finansijsko učešće korisnika u procentu od ukupne vrijednosti projekta za jednog korisnika, tj. od ukupne zbirne vrijednosti predmetne namjene za korisnika: mašine, priključka, opreme, plastenika, potrebnog građevinskog materijala za izgradnju ili obnovu gospodarskog objekta.

✓ Izuzetno, **za program/namjenu pod rednim brojem 4) lično učešće** u sufinansiranju projekta se može smatrati i ranije ulaganje korisnika u predmeni objekat, u procentu koji se utvrdi na osnovu predočenih dokaza: fakture, fiskalni računi, izvodi iz banke o plaćenim računima/fakturama ili izveštaj o procjeni vlastitog ulaganja sačinjen od strane stručnjaka/vještaka građevinske struke koja uključuje specifikaciju ugrađenih građevinskih materijala/radova sa pojedinačnim tržišnim cijenama.

3.3. Maksimalno učešće (sufinansiranje) Federalnog ministarstva raseljenih osoba i izbjeglica po jednom korisniku je:

- **50.000,00 KM za program/namjenu pod brojem 1, 2 i 3),**
- **100.000,00 KM za program/namjenu pod brojem 4),**
- **5.000,00 KM za program/namjenu pod brojem 5).**

4. Opći Kriteriji

Prijava aplikanta na javni poziv **obavezno** treba da sadrži sljedeće dokumente:

1). OBRAZAC PRIJAVE NA JAVNI POZIV

Podnosilac prijave obavezno dostavlja čitko popunjenu i potpisanu **prijavu na Javni poziv**, na **obrascu** koji je dostupan na web stranici Ministarstva www.fmroi.gov.ba ili se može preuzeti lično u prostorijama Ministarstva na adresi: Terezije 56. Sarajevo.

Podnosilac prijave popunjava rubrike Prijavnog obrasca, zaokružuje ponuđene opcije i odgovara za vjerodostojnost svih unesenih navedenih podataka. Samo ovako uneseni podaci će se koristiti prilikom vrednovanja prijave. Prijavni obrazac obavezno potpisuje podnosilac prijave na javni poziv.

2). OBRAZAC „PBA-3” - OBAVJEŠTENJE O EVIDENCIJI PREBIVALIŠTA/BORAVIŠTA ZA PODNOSIOCA PRIJAVE NA JAVNI POZIV

izdato u općini/opštini povratka od nadležnog organa (MUP-a), ne starija od tri mjeseca od dana podnošenja prijave po ovom javnom pozivu (original ili ovjerena fotokopija);

3) FOTOKOPIJA VAŽEĆE LIČNE KARTE PODNOSIOCA PRIJAVE NA JAVNI POZIV (Fotokopija LK treba biti obostrana);

4). UVJERENJE/POTVRDA ILI LIČNA IZJAVA O OSTVARENOM POVRATKU ZA PODNOSIOCA PRIJAVE NA JAVNI POZIV

Podnosilac prijave na javni poziv obavezno podnosi jedan od ponuđe dva dokaza:

Uvjerenje/ potvrda o ostvarenom povratku za podnosioca prijave na javni poziv u kojem trebaju biti navedeni i svi ostali članovi porodice sa kućne liste koji su se vratili. Uvjerenje/potvrda mora biti izdato od nadležnog organa za općinu/opštinu povratka. *Uvjerenje/potvrda se dostavlja u originalu ili kao ovjerena fotokopija dokumenta.*

ili

Lična Izjava o ostvarenom povratku za podnosioca prijave na javni poziv u kojoj se obavezno navode i svi ostali članovi porodice sa kućne liste koji su se vratili. U ličnoj Izjavi podnosilac prijave treba navesti godinu povratka, mjesto/grad/općinu iz koje se vratio u mjesto povratka, naziv mjesta i općinu povratka, te podatke o članovima porodice koji su se vratili (godina rođenja i srodstvo sa podnosiocem prijave na javni poziv).

Lična izjava mora biti ovjerena od strane općinske službe za ovjeru potpisa ili kod notara i dostavlja se u originalu.

5). IZJAVU O SPREMNOSTI SUFINANSIRANJA

U izjavi, u formi propisanoj od strane ministarstva i koja se može preuzeti na web stranici www.fmroi.gov.ba ili lično u prostorijama Ministarstva na adresi: Terezije 56. Sarajevo, podnosilac prijave navodi da je spreman sufinansirati projekat prema uslovima iz javnog poziva, shodno ukupnoj vrijednosti projekta za koji je aplicirao. *Izjava mora biti ovjerena od strane općinske službe za ovjeru potpisa ili kod notara i dostavlja se u originalu.*

Aplikanti koji apliciraju za **program/namjenu pod rednim brojem 5** nisu dužni dostavljati predmetnu izjavu.

6). UVJERENJE O REGISTROVANOM POLJOPRIVRDNOM GAZDISTVU ILI POSJEDOVNI LIST/ZK IZVADAK

Podnosilac prijave na javni poziv podnosi jedan od ponuđenih dokaza:

Dokaz o registrovanom poljoprivrednom gazdinstvu. Kao dokaz dostavlja se Uvjerenje/Potvrda o registrovanom poljoprivrednom gazdinstvu koji glasi na podnosioca prijave na javni poziv i koje je izdato u općini povratka. *Posebno će se vrednovati komercijalno u odnosu na porodično poljoprivredno gazdinstvo. Uvjerenje/Potvrda o registrovanom poljoprivrednom gazdinstvu može se dostaviti u originalu ili kao fotokopija dokumenta.*

ili

Posjedovni list ili ZK izvadak koji je izdat na podnosioca prijave na javni poziv ili člana uže porodice, kao i drugi važeći dokument kojim se dokazuje pravo raspolaganja adekvatnim zemljišnim posjedom (npr. ugovor). *Posjedovni list/ZK izvadak se dostavljaju u originalu ili kao fotokopije dokumenata.*

U slučaju da podnosilac prijave na javni poziv koristi zemljište u zakupu, kao dokaz dostavlja Posjedovni lista/ZK izvadak za predmetno zemljište i ugovor o zakupu i korištenju zemljišta. *Ugovor o zakupu i korištenju zemljišta mora biti ovjeren kod nadležnog organa (općina, sud, notar) i mora se dostaviti kao originalni dokument ili ovjerena fotokopija dokumenta.*

U slučaju da podnosilac prijave na javni poziv koristi zemljište vlasnika koji živi u iseljeništvu, kao dokaz dostavlja Posjedovni lista/ZK izvadak za predmetno zemljište (ako je dostupno) i **Ličnu Izjavu** da koristi predmetno zemljište površine (navesti površinu predmetnog zemljišta) u mjestu (navesti adresu predmetnog zemljišta: naziv parcele, mjesto i općina), vlasnika (navesti ime i prezime vlasnika) koji je trenutno živi u iseljeništvu sa porodicom u državi (navesti u kojoj državi živi) i navesti u koju svrhu se koristi predmetno zemljiše. *Izjava mora biti ovjerena od strane općinske službe za ovjeru potpisa ili kod notara i dostavlja se u originalu.*

Podnosilac prijave treba dostaviti dokaz o posjedovanju, odnosno pravu raspolaganja i korištenja adekvatnim zemljišnim posjedom minimalno za **5 dunuma**, a ako aplicira za poljoprivrednu mašinu **traktor**, onda treba navedeni dokaz dostaviti minimalno za **20 dunuma**.

7). KUĆNU LISTU

Izdatu od nadležnog organa u općini povratka. *Kućna lista treba biti original ili ovjerena fotokopija i mora biti izdata nakon objave ovog Javnog poziva*

Svi punoljetni članovi domaćinstva sa kućne liste trebaju imati status povratnika.

8). IZJAVU O RANIJE KORIŠTENIM/ NEKORIŠTENIM SREDSTVIMA

U izjavi podnosilac prijave obavežno izjavljuje da li je on ili neko od njegovih članova domaćinstva bio ili nije bio korisnik finansijskih sredstava ili drugih oblika pomoći za održiv povratak od strane Federalnog ministarstva raseljenih osoba i izbjeglica ili od neke druge institucije ili organizacije ili donatora. Ukoliko je neko bio korisnik, obavežno u izjavi navodi koju vrstu pomoći je dobio, za koje namjene i u kojem iznosu. Tačnost izjave će provjeriti Ministarstvo, i u slučaju da se utvrdi da je data izjava u neskladu sa postojećom bazom podataka Ministarstva, ili je data lažna izjava, Ministarstvo zadržava pravo da prijavu isključi iz dalje procedure Javnog poziva. *Izjava mora biti ovjerena od strane općinske službe za ovjeru potpisa ili kod notara i dostavlja se u originalu.*

9) PROJEKTI PRIJEDLOG/ IDEJA

Uz prijavu na javni poziv aplikant obavežno prilaže narativni opis projekta ili projektnu ideju, koji treba da sadrži minimalno: vrstu i količinu donacije za koju aplicira, opis programa(donacije), procjenjenu vrijednost donacije (paušalno ili na osnovu predračuna), razlog zbog kojeg se prijavio na javni poziv, opis potrebe za navedenom donacijom, izvori finansiranja projekta (vlastita sredstva i ulaganja iz drugih izvora), mogući broj radno angažovanih lica nakon realizacije donacije, da li je već započet projekat ili je samo ideja i predviđeni finansijski efekti projekta. U projektu navesti transakcijski račun na koji će se sredstva doznačiti u slučaju da se ista odobre i naziv i adresu banke kod koje je isti otvoren.

U koliko aplikant aplicira za **program/namjenu pod rednim brojem 3) i 5)** uz projekat treba priložiti **Potvrdu banke ili Ugovor o otvorenom transakcijskom računu sa bankom za podnosioca prijave na javni poziv.**

Dodatno će bodovati dokazi iz općih kriterija pod tačkom 6, 8. i 9.

5. Posebni kriteriji

Dokazi iz posebnih kriterija nisu obavezni ali će se na osnovu istih izvršiti bodovanje prijava:

1). UVJERENJE/ POTVRDA O PRIPADNOSTI RANJIVIM KATEGORIJAMA

Podnosilac prijave na javni poziv uz prijavu podnosi original ili fotokopiju Uvjerenja/Potvrde izdate od nadležnog organa, kojim se dokazuje da podnosilac prijave na javni poziv ili drugo lice sa prijavljene kućne liste pripada odeđenoj ranjivoj kategoriji.

Ranjive kategorije koje će se bodovati su: šehidske porodice odnosno porodice poginulog borca, RVI, demobilisani borci, porodice nestalih, bivši logoraši, civilne žrtve rata, samohrane majke, osobe sa invaliditetom, porodice u kojima je žena nosioc domaćinstva.

2). KUĆNA LISTA /MLADI I OBRAZOVANI

Bodovat će se samo članovi domaćinstva koji su navedeni na kućnoj listi i za koje podnosilac prijave na javni poziv dostavi sljedeće tražene dokaze (*priznavat će se bodovi samo za one članove koje komisija verifikuje u općim kriterijima*):

- **Obavještenje o evidenciji prebivališta (CIPS obrazac PBA-3)** izdato od nadležnog MUP-a u općini povratka nakon objave ovog javnog poziva; Podnosilac prijave na javni poziv dostavlja predmetno obavještenje za sve članove sa kućne liste. *Obavještenje treba dostaviti u originalu ili ovjerenom fotokopiji dokumenta.*
- **Uvjerenje/potvrda o pohađanju nastave za djecu školskog uzrasta** izdata od nadležne ustanove, *dostaviti u originalu ili fotokopiji.*
- **Diploma/Uvjerenje o završenom studiju (minimalno VSS)**, *dostaviti u originalu ili fotokopiji.*

6. Sačinjavanje listi potencijanih projekata i korisnika

Liste projekata i korisnika pomoći po osnovu ovog Javnog poziva sačinjit će Komisija koju će imenovati federalni ministar raseljenih osoba i izbjeglica.

Komisija će razmatrati prijave u skladu sa Procedurama koje će donijeti federalni ministar raseljenih osoba i izbjeglica, te u skladu sa odredbama ovog Javnog poziva.

Dostavljanje prijava se vrši preporučeno poštom na adresu:

**Federalno ministarstvo raseljenih osoba i izbjeglica
Hamdije Čemerlića 2, 71000 Sarajevo**

sa naznakom „**Prijava na Javni poziv za za podnošenje prijava za program „Podrška zapošljavanju/samozapošljavanju povratnika u poljoprivredi na prostoru entiteta Republika srpska u periodu 2022. i 2023.godina“**

(Na poleđini koverte navesti ime i prezime podnosioca, tačnu adresu i broj telefona)

Rok za dostavljanje prijava na javni poziv ostaje otvoren od dana objave Javnog poziva u dnevnim novinama i web stranici Ministarstva do 10.12.2021. godine.

Nepotpune, neblagovremene prijave, kao i prijave koje se ne odnose na predmetne programe/namjene i koje nisu u skladu sa Prijavom na javni poziv neće se uzimati u razmatranje.

Dodatne informacije mogu se dobiti na tel: 033/205-543 (Nermin Lepenica, Adisa Zagić i Ensar Salkić.)

Preliminarne, a nakon provedenog postupka na osnovu prigovora i konačne rang liste, po ovom javnom pozivu će biti objavljene na web stranici Federalnog ministarstva raseljenih osoba i izbjeglica, a obavijest o donošenju istih u dnevnim novinama u kojima je objavljen i ovaj javni poziv.

NAPOMENA

Prijave aplikanta koje se već nalaze na utvrđenim rang listama potencijalnih korisnika pomoći proisteklih iz predhodnog Javnog poziva iz *programa održivog povratka „Podrška zapošljavanju/samozapošljavanju povratnika u poljoprivredi u periodu 2020 i 2021 godina“* neće se nastaviti rješavati nakon objavljivanja konačnih rang listi po ovom Javnom pozivu.

POSEBNA NAPOMENA

Svi aplikanti koji se nalaze na **Rang lista potencijalnih korisnika pomoći koji ispunjavaju opće kriterije**, na Odluci o utvrđivanju konačne rang liste potencijalnih korisnika za program pomoći održivog povratka „Podrška zapošljavanju/samozapošljavanju povratnika u poljoprivredi u periodu 2020. i 2021 .godine 03-36-2-334-5025/19 od 15.06.2020. g, **čiji zahtjevi nisu realizovani**, , imaju mogućnost prijave po ovom Javnom pozivu pod uslovom da je isti program/namjena objavljen i u ovom Javnom pozivu, uz obavezno dostavljanje **OBRAZCA PRIJAVE NA JAVNI POZIV**, koji treba biti čitko popunjen i potpisan i koji je dostupan na web stranici Ministarstva www.fmroi.gov.ba ili se može preuzeti lično u prostorijama Ministarstva na adresi: Terezije 56. Sarajevo;

Bodovi koje su aplikanti stekli po ranijem javnom pozivu se prenose na ovaj Javni poziv.

U slučaju da su međuvremenu promjene okolnosti po nekom od kriterija iz ovog Javnog poziva, čija posljedica bi bila promjena ukupnog broja bodova za aplikanta, aplikantima se preporučuje da podnesu novu prijavu po osnovu ovog Javnog poziva uz dostavljanje sve potrebne dokumentacije na osnovu koje bi se vršila ocjena prijave aplikanta.

MINISTAR

dr. sci. Edin Ramić

Broj: 03-32-3-230-1/21
Sarajevo:01.11.2021. godine